



RETTLEIING I SAMBAND MED GRAVFERD

For dei som ønskjer å ordne gravferda
på eiga hand, utan hjelp frå byrå.

VED DØDSFALLET

A) Lækjar må tilkallast for stadfesting av dødsfallet og lensmannen skal ha melding om det.

B) Presten bør kontaktast snarast råd er for avtaler om gravferdsdag og evt. bæreandakt, og for å ha ei samtale med dei pårørande.

C) Båre og likklede er enklast å skaffe gjennom eit gravferdsbyrå. (Skjer dødsfallet på eit sjukehus, lyt ein nok nytte gravferdsbyrå til dess ein får den avlidne ut frå sjukehuset. I så fall kan dei pårørande sjå bort frå pkt. a) ovanfor.)

FØR GRAVFERDA

A) Skal det vera bæreandakt, vert denne vanlegvis halden dagen etter dødsfallet, anten i heimen eller i kyrkja. Bæreandakta kan godt leiast av ein lekmann/kvinne eller ein ven av familien om dei pårørande ønskjer det.

B) NB! Dei tilsette, så som gravar, organist og kyrkjetenar, får alle melding om gravferda av presten, så det treng ikkje dei pårørande tenkje på.

C) Grunna plassmangel på kyrkjegarden, lyt ein nytta oppattgraving. Har familien ei festa grav, vil denne kunne nyttast, om det er semje om det.

Eit anna spørsmål er om det skal avsetjast grav for evt. attlevade ektefelle. Dette vil som regel presten ta opp under sørgesamtalen.

D) Songar til gravferda er enklast å tinge gjennom eit gravferdsbyrå. Der skal vere tre songar til bruk inne i kyrkja og ein eller to ved grava. Songane kan ein gjerne snakke med presten om under sørgevisitten. Ønskjer ein å nytte ein song som ikkje står i dei vanlege salme- eller song-bøkene, må han i alle høve kontaktast om det. Elles bør påsketonane få klinge ved val av gravferdssongar. (Kor mange songark som skal trykkjast, lyt avgjerast ut frå kor mange som er venta i gravferda.)

E) Kransar og andre blomehelsingar frå dei pårørande ordnar dei med sjølv.

Like eins om dei ønskjer song- og/eller musikk-innslag under gravferda. Skal det vere med, lyt presten ha melding på førehand for å passe det inn i gangen i gravferda.

F) Skal det under gavferda takast opp ei gåve til eit bestemt føremål, bør vel dette kome med i dødsannonsa, som dei pårørande sjølv må syte for vert rykt inn i den avisa ein ønskjer.

GRAVFERDSDAGEN

A) Dei pårørande må i god tid møte opp og ordne med pynting i kyrkja. Ynskjer ein hjelp av kyrkjetenaren, betaler ein for det. Tilordninga må vera ferdig seinast ein halv time før gravferda skal ta til.

I kyrkja er det vanleg gravferdsutstyr, så som krakkar og bæreklede, to sjuarma lysestakar, to blomestyler og fem kransesativ.

Der må vere så mange frammøtte at dei får bere båra frå bærehuset og inn i kyrkja.

B) Når folket tek til å kome til gravferda, bør nokre stå ved begge inngangane og dele ut songark. Om der skal takast opp gåve, bør eit par av dei same stå i våpenhuset etter gravferda, med kvar si kollektkorg.

C) Skal det vera kranspålegging, skjer det i byrjinga av gravferda, etter helsingssord av presten. Dei pårørande bestemmer sjølv kven som skal gjera det for dei. Ønskjer dei at presten skal gjere det, lyt han kontaktast om det på førehand.

Det same gjeld avslutninga inne i kyrkja, då det er vanleg med takkeord frå dei pårørande etter postludiet. Dette gjer dei anten sjølv, eller kan be kyrkjetenaren ta seg av det.

D) Seks personar må på førehand spørjast om å bera båra ut på gravplassen. Desse hjelper også med å senke båra før sluttsalme/vers ved grava.

E) Etter gravferda ser dei pårørande etter om der er blommar og songark igjen inne i kyrkja, og tek det med seg.

Det same gjeld og evt. gåve som er teken opp. Dei pårørande sjølv syter for at ho blir levert/send dit ho skal.

Elles er sjølv sagt både prest og andre kyrkjeleg tilsette tilgjengelege for spørsmål.

FRAMLEGG TIL SALMAR / SONGAR VED GRAVFERD

FRÅ NORSK SALMEBOK:

- “Blott en dag”, 490.
“Dauden gjennom verdi gjeng”, 829.
“Deg være ære”, 187.
“Gud, når du til oppbrudd kaller”, 838.
“Hitinntil Herren har hjulpet så vel”, 491.
“I dine hender, Fader blid”, 596.
“Ingen er så trygg på ferda”, 488.
“Ja, engang mine øyne skal se kongen i hans prakt”, 863.
“Jeg er en seiler på livets hav”, 862.
“Jeg er i Herrens hender”, 497.
“Jeg vet meg en søvn i Jesu navn”, 856.
“Jesus lever, gravi brast”, 180.
“Ljos over grav”, 188.
“Krist stod opp av daude”, 183.
“Navnet Jesus blekner aldri”, 86.
“Som den gyldne sol frembryter”, 172.
“Salige visshet, Jesus er min”, 492.
“Tenk når en gang den tåke er forsvunnet”, 855.
“Tårnhøye bølger går langt i fra havn”, 475.
“Velt all din veg og vande”, 460.
“Ver sterk, min sjel, i denne tid”, 476.
“Å, salige dag som i håpet vi venter”, 860.

FRÅ SANGBOKEN:

- “Alene i håp til Gud”, 295.
“Rundt omkring Jerusalem”, 371.
“Styr du min vandring”, 377.
“Takk, min Gud, for alt som hende”, 127.